



„ჩინგუძი საქაბთუელთა, სიმეძი ჩუენ ვაბთ ყელათ“

ყოღსქოთი

გაგონის 1923 წლის 1 მაისიდან

სენაკის მუნიციპალიტეტის თავისუფალი გაზეთი

2022 წელი • №19-20 (9537-9538) • 1-31 ოქტომბერი • ფასი 1 ლარი

2022 წლის 1 ოქტომბრის თვითმმართველი თემის – სენაკის მუნიციპალიტეტის წარმომადგენლობითი ორგანოს – საკრებულოს შუალედური არჩევნების კანონიერ კალაში შესული შიდაგარეული ოქმის მიხედვით №64-04 ადგილობრივ მართლმართარულ საარჩევნო ოლქში თვითმმართველი თემის – სენაკის მუნიციპალიტეტის საკრებულოს წევრად არჩეულია ზაზა ყურაშვილი

მუნიციპალიტეტის მერიამ

ახალი სასაბავშვო ცენტრი

სენაკის მუნიციპალიტეტის 27 საბავშვო და ბაგა-ბაღში ახალი სასაბავშვო ცენტრი დაიწყო.

სენაკის მუნიციპალიტეტის 27 საბავშვო და ბაგა-ბაღში ახალი სასაბავშვო ცენტრი დაიწყო. პედაგოგებს, მოსწავლეებს და პატარა აღსაზრდელებს, სადაც 369 აღსაზრდელი დაეუფლება საგაკვეთილო უნარ-ჩვევებს.

განახლებული საგანმანათლებლო ინფრასტრუქტურის მიმართულებით, ლური განვითარების ფონდი ბუნებრივი აირითა და ცენტრალური გათბობით უზრუნველყოფილ, თანამედროვე სტანდარტების შესაბამის, 100 აღსაზრდელზე გათვლილ ორსართულიან სასაბავშვო ცენტრებს აშენებს.

პროექტის ღირებულება 4 მილიონ ლარამდეა.

გათვალისწინებულია შიდა და გარე სივრცეების, რეკრეაციული ზონების, კომუნიკაციების, სველი წერტილების კეთილმოწყობა. ბაღი ადაპტირებული იქნება შეზღუდული შესაძლებლობების მქონე პირთათვის.

თანამედროვე სტანდარტების შესაბამისი, 100 აღსაზრდელზე გათვლილი N4 საბავშვო ბაღი კი - საქართველო-გერმანიის ფინანსური თანამშრომლობის პროექტის - „ეკონომიკური მონაწილეობა, საცხოვრებელი უზრუნველყოფა და სოციალური ინფრასტრუქტურა იძულებით გადაადგილებულ პირთა და მასპინძელი თემებისათვის“ ფარგლებში, 2021 წელს აშენდა.



ლებს ქალაქის პირველ და მეორე ბაგა-ბაღებში სასწავლო წლის დაწყება, სენაკის მუნიციპალიტეტის მერმა, ვახტანგ გადელიამ და საკრებულოს წევრმა, საბა ოდიშარიამ, შესაბამისი სექტორის წარმომადგენლებთან ერთად მიულოცეს.

მიმდინარე სასაბავშვო ცენტრების შესაბამისი გარემო დახვდა. მუნიციპალიტეტში ფუნქციონირებს სასკოლო მზაობის 8 ჯგუფ-რეაბილიტაცია ჩაუტარდა №1 ბაგა-ბაღს, კერძოდ, სასაბავშვო ცენტრებს, სველი წერტილებს, გარე ფასადს; გამოიცვალა ფანჯრები, განხორციელდა საკონსტრუქციო დარბაზის კეთილმოწყობისა და სამზარეულო შენობის გადახურვის სამუშაოები. ამ დროისთვის, ქალაქ სენაკში, ელიავას ქუჩაზე, №3 საბავშვო ბაღის მშენებლობის პროექტის განხორციელების პროცესი დაიწყო.

რეაბილიტაცია ჩაუტარდა №1 ბაგა-ბაღს, კერძოდ, სასაბავშვო ცენტრებს, სველი წერტილებს, გარე ფასადს; გამოიცვალა ფანჯრები, განხორციელდა საკონსტრუქციო დარბაზის კეთილმოწყობისა და სამზარეულო შენობის გადახურვის სამუშაოები. ამ დროისთვის, ქალაქ სენაკში, ელიავას ქუჩაზე, №3 საბავშვო ბაღის მშენებლობის პროექტის განხორციელების პროცესი დაიწყო.

საქართველოს მუნიციპალიტეტის მერიამ

კომისიის სხდომა

სენაკის მუნიციპალიტეტის მერიის სხდომათა დარბაზში, მერიის ქალთა მიმართ და ოჯახში ძალადობის საკითხებზე მომუშავე უწყებათაშორისი კომისიის გაფართოებული სხდომა გაიმართა.



შეხვედრას, მერიის მოადგილე, კომისიის თავმჯდომარე, ლევან ელიავა, ადმინისტრაციული სამსახურის უფროსი, პასუხისმგებელი პირი გენდერულ საკითხებში, ნანა ზარანდია, ჯანმრთელობისა და სოციალური უზრუნველყოფის სამსახურის უფროსი, ნატალია ხუბუა, საფინანსო-საბიუჯეტო სამსახურის უფროსი, დონარა ალანია, ეკონომიკური განვითარების, სტატისტიკისა და ქონების მართვის სამსახურის უფროსი, ჯულიეტა ჩოჩია, განათლების, კულტურის, სპორტისა და ახალგაზრდობის სამსახურის უფროსი, გივი მისაბიშვილი, ქალთა ფონდი „სოხუმის“ პროექტების კოორდინატორი, თეა გოლეტიანი, სენაკის საგანმანათლებლო რესურსცენტრის უფროსი, დარეჯან ზარანდია, ჯანმრთელობისა და სოციალური დაცვის სამსახურის ბავშვთა უფლებების დაცვისა და მხარდაჭერის განყოფილების, სოციალური მომსახურების სააგენტოს სენაკის რაიონული განყოფილებისა და საგანმანათლებლო სექტორის წარმომადგენლები ესწრებოდნენ.

სხდომა, რომელიც დიალოგის რეჟიმში წარიმართა, ფემციდის ფაქტების საგანგაშო მატებას ეხებოდა.

აღინიშნა, რომ ადგილობრივი ხელისუფლება წარმოადგენს ძალადობისგან დაცვის სახელმწიფო რეფერალური მექანიზმის სუბიექტს.

საქართველოს კანონმდებლობით, სხვადასხვა სახელმწიფო სამოქმედო გეგმებით, ადგილობრივი ხელისუფლებას აქვს უფლება გამოიხატოს და ვალდებულია, ჩაერთოს ძალადობის პრევენციის, შემთხვევების იდენტიფიცირების, მსხვერპლთა დახმარების საკითხებში, რასაც მუნიციპალიტეტი პასუხობს შესაბამისი პროგრამებით, გაზრდილი კოორდინაციით სერვისის მიწოდებულ სუბიექტებთან.

უწყებათაშორისმა კომისიამ მიიღო განცხადება, შეუერთდეს ქვეყანაში ყოველწლიურად დაგეგმილ 16 დღიან კამპანიას გენდერული ძალადობის წინააღმდეგ, რომელიც მსოფლიოს 187 ქვეყანაში, 1991 წლიდან აღინიშნება და მიზნად ისახავს ქალთა მიმართ ძალადობისა და ოჯახში ძალადობის აღმოსაფხვრელად, საზოგადოების ცნობიერების ამაღლებას.

სამხედრო ფიცი დადეს

თავდაცვის ძალების ეროვნული გვარდიის მე-10 კადრიერული ბრიგადის 101-ე, 102-ე და 103-ე ბატალიონების რეზერვისტებმა, სორტაში, სამხედრო ფიცი დადეს.



რეზერვისტებს საქართველოს თავდაცვის ძალების ეროვნული გვარდიის უფროსმა, ბრიგადის გენერალმა, რომან ჯოხაძემ რეზერვში ჩარიცხვა მიულოცა და ქვეყნის სამსახურში წარმატებები უსურვა.

ფიცის დადების ცერემონიალს თავდაცვის ძალების დასავლეთის სარდალი, ბრიგადის გენერალი, კობა გრიგოლია, სამეგრელო-ზემო სვანეთის სახელმწიფო რწმუნებულის მოადგილეები - დავით კუხალიაშვილი და ლუიზა ხასია, სენაკის მუნიციპალიტეტის მერი, ვახტანგ გადელია, საკრებულოს წევრი, საბა ოდიშარია და შესაბამისი სექტორების წარმომადგენლები დაესწრნენ.

მა რეზერვისტებს და თვითმმართველობის წარმომადგენლებს სიგელები და სერტიფიკატები გადასცეს.

სენაკის მუნიციპალიტეტის მერს, ვახტანგ გადელიას, მადლობის სიგელი გადაეცა.

ლონისძიების დასრულების შემდეგ, 101-ე კადრიერული ბატალიონის დაზვერვის ოცეულმა, საჩვენებელი ტაქტიკური დავალება განახორციელა.

თავდაცვის ძალების წარმომადგენლებმა

შეხვედრა - პრობლემების ერთი ფანჯრის პრინციპით განსახილველად



მოადგილე, ლევან ელიავა, ქალთა ფონდი „სოხუმის“ კოორდინატორი, ხათუნა გოგუა, მუნიციპალიტეტის მერიის ჯანმრთელობისა და სოციალური დაცვის, სივრცითი მოწყობისა და ინფრასტრუქტურის, ეკონომიკური განვითარების, სტატისტიკისა და ქონების მართვის სამსახურების წარმომადგენლები და ქალთა საინიციატივო ჯგუფის წევრები ესწრებოდნენ. შეხვედრა არასამთავრობო ორგანიზაციების კოალიციის - იგპ ქალთა ასოციაცია „თანხმობის“, ქალთა საინფორმაციო ცენტრის, ფონდი „სოხუმის“, გაეროს ქალთა ორგანიზაციის (UN WOMEN) პარტნიორობით მიმდინარე პროექტის „ქალები და ახალგაზრდები - ქალების მშვიდობისა და უსაფრთხოების“ დღის წესრიგის ადგილობრივ დონეზე განხორციელებისათვის“ ფარგლებში წარიმართა.

სენაკის მუნიციპალიტეტის მერიის სხდომათა დარბაზში, ქალთა ფონდი „სოხუმის“ ორგანიზებით, ორგანიზაციის მიერ ჩატარებული კვლევის საფუძველზე, სენაკის ყოფილ სამხედრო დასახლებებში მცხოვრებ დევნილთა წინაშე მდგარი საყოფაცხოვრებო პრობლემების ერთი ფანჯრის პრინციპით განსახილველად, სამუშაო შეხვედრა შედგა. შეხვედრას სენაკის მუნიციპალიტეტის მერიის

წარმატებული სპორტსმენები



სენაკის მუნიციპალიტეტის მერი, ვახტანგ გადელია, კიკბოქსინგში საერთაშორისო ტურნირის გამარჯვებულ ნორჩ სპორტსმენებს და მათ მწვრთნელს, ტაეკვანდოს ფედერაციის (ITF) პრეზიდენტს, შავი ქამრის მფლობელ ლაშა ჯოლოგუას შეხვდა, მოპოვებული გამარჯვება მიულოცა და წარმატებები უსურვა.

3 ოქრო და 1 ვერცხლი - ასეთია სენაკელი სპორტსმენების შედეგი ჩემპიონატზე! (გაგრძელება მეორე გვერდზე)

თბილისობაზე სენაკმა სამეგრელო წარმოადგინა



გიორგი ჩიტაიას სახელობის თბილისის ეთნოგრაფიულმა მუზეუმმა „თბილისობა 2022-ს“ უმასპინძლა.

სენაკის მუნიციპალიტეტი თბილისობის სახალხო დღესასწაულს წელს, პირველად, მრავალფეროვანი და სანახაობრივად დატვირთული აქტივობებით შეუერთდა.

მუზეუმში გამართულ ღონისძიებას საქართველოს კულტურის, სპორტისა და ახალგაზრდობის მინისტრი, თეა წულუკიანი, მინისტრის მოადგილე, სოსო ბალათურია, სენაკის მუნიციპალიტეტის მერის მოადგილე, ლევან ელიავა დაესწრნენ.

სენაკის კუთხემ ყველა ასაკის დამთავალიერებისთვის საინტერესო და მრავალფეროვანი ღონისძიებები წარმოადგინა; გაცოცხლდა სამეგრელოს კუთხის ყოფა-ცხოვრება, ოჯახური რიტუალები, ლხინის, მოსავლის აღება-დაბინავების სცენები, წარმოდგენილი იყო პერფორმანსები, ტრადიციული

მეგრული სამზარეულო, ადგილობრივ მენარმეთა პროდუქცია, ხალხური რენვის ნიმუშები, ელარჯის მომზადების მასტერკლასები, სანარმო „არიას“ მიერ დამზადებული ყველის 50-მდე სახეობა.

ღონისძიების ფარგლებში, ეთნოგრაფიული მუზეუმის ამფითეატრში ფოლკლორულ ანსამბლთა კონცერტი გაიმართა.

თბილისქალაქობის სახალხო დღესასწაულზე მონაწილეობა მიიღეს ფოლკლორულმა ანსამბლებმა - „კოლხურმა ტრიომ“, „მუსიკელმა“, „გოგალაიმ“, ქორეოგრაფმა, გიორგი კორშიამ, შალვა(ჯამუ) გარუჩავას სახელობის სახალხო ქორეოგრაფიულ ანსამბლ „კუჩხბედინერის“ მოცეკვავეებმა, სენაკელმა მენარმეებმა - მანანა მურღულიამ, მანონი სანიკიძემ, მაცაცო ხახუბიამ, ნანი თოლორდავამ, გიგა ჩემიამ; შპს „აგროინვესტმა“, სანარმო „არია“, სენაკის მუნიციპალიტეტის მერიის განათლების, კულტურის, სპორტისა და ახალგაზრდობის სამსახურის უფროსმა, გივი მისაბიშვილმა; მერიის ეკონომიკური განვითარების, სტატისტიკისა და ქონების მართვის სამსახურის სპეციალისტმა, დალი ქაჩიაიამ, მერიის ადმინისტრაციული და შესაბამისი სამსახურების წარმომადგენლებმა.

სენაკის მუნიციპალიტეტი ჩაერთო პროექტში - PACA



სენაკის მუნიციპალიტეტის მერია პარტნიორებთან თანამშრომლობით იწყებს ადგილობრივი ეკონომიკური განვითარების ინიციატივების განხორციელებას. მუნიციპალიტეტი ჩაერთო პროექტში - PACA, რაც გულისხმობს კონკურენტული უპირატესობის ამოღებას თანამონაწილეობის გზით. ამ საპილოტე პროგრამის განსახორციელებლად, საქართველოს ორი ქალაქი - სენაკი და ფოთი არიან შერჩეული.

შოთა მესხიას სახელმწიფო სასწავლო უნივერსიტეტის სენაკის ბაზაზე გამართულ შეხვედრას საქართველოს რეგიონული განვითარებისა და ინფრასტრუქტურის მინისტრის მოადგილე, მზია გიორგობიანი, სენაკის მუნიციპალიტეტის მერი, ვახტანგ გადელია, სამუშაო ჯგუფისა და შესაბამისი სექტორების წარმომადგენლებთან ერთად დაესწრნენ.

ადგილობრივი სამუშაო ჯგუფი მუნიციპალიტეტის თვითმმართველობის, ბიზნესის, სამოქალაქო და საგანმანათლებლო სექტორების წარმომადგენლებთან დაკავშირებულია.

პროექტის კვლევითი ეტაპი ითვალისწინებს ადგილობრივი ეკონომიკური განვითარების გამოწვევების იდენტიფიცირებას, ინიციატივების შემუშავებას, დასკვნით ეტაპზე - მათ ერთობლივად განხორციელებას.

პროექტი ხორციელდება ეროვნული სამუშაო ჯგუფთან - რეგიონული განვითარებისა და ინფრასტრუქტურის სამინისტრო, ეკონომიკისა და მდგრადი განვითარების სამინისტრო, საქართველოს ადგილობრივ თვითმმართველობათა ეროვნული ასოციაცია, გაეროს განვითარების პროგრამა, საქართველოს ფერმერთა ასოციაცია, საქართველოს სავაჭრო-სამრეწველო პალატის თანამშრომლობითა და შვეიცარიის განვითარებისა და თანამშრომლობის სააგენტოს (SDC) მხარდაჭერით.

მიეძღვნა მასწავლებლის დღეს

მასწავლებელთა საერთაშორისო დღეს მიეძღვნა სენაკის მუნიციპალიტეტის ხელოვნების ცენტრის სამუსიკო სკოლის სულხან ცინცაძის სახელობის დიდ საკონცერტო დარბაზში გამართული საღამო, რომელსაც მუნიციპალიტეტის მერის მოადგილე, ლევან ელიავა, განათლების, კულტურის, სპორტისა და ახალგაზრდობის სამსახურის უფროსი, გივი მისაბიშვილი, მერის თანაშემწე, მარინე ფაღავა, ხელოვნების ცენტრის დირექტორი, ვეფხვია ვეფხვაძე, შესაბამისი სამსახურის წარმომადგენლები და პედაგოგები ესწრებოდნენ.

მერის მოადგილემ, ლევან ელიავამ, პედაგოგებს, რომ-



ლებმაც ჭეშმარიტი ხელოვნების სიყვარულით არაერთი თაობა აღზარდეს, პროფესიული დღესასწაული მიულოცა და წარმატებები უსურვა.

ხელოვნების ცენტრის სამუსიკო სკოლის საფორტეპიანო, ვოკალური, გიტარის, ვიოლინოს და ხალხური საკრავების განყოფილებების

პედაგოგებისა და მოსწავლეების მონაწილეობით გამართულმა სანახაობრივად დატვირთულმა საღამომ კიდევ ერთხელ წარმოაჩინა, რომ მუნიციპალიტეტის ხელოვნების ცენტრში, ჭეშმარიტ ხელოვნებასთან ზიარების ტრადიცია გრძელდება და ვითარდება.

კოტიანეთის საჯარო სკოლაში

საგანმანათლებლო სფეროს განვითარებისთვის თანამედროვე სტანდარტების შესაბამისი პირობების შექმნა, ხელისუფლების ერთ-ერთი უმთავრესი პრიორიტეტია.

სენაკის მუნიციპალიტეტის მასშტაბით, ინფრასტრუქტურის მოწყობა-რეაბილიტაციისა და განახლების პროცესი უწყვეტად გრძელდება.

ამ დროისთვის დასრულებულია კოტიანეთის ადმინისტრაციული ერთეულის საჯარო სკოლის გათბობის სისტემის მოწყობის სამუშაოები.

პროექტის ღირებულებამ 36 777 ლარი შეადგინა.

აღნიშნულ სამუშაოებს სენაკის მუნიციპალიტეტის მერი, ვახტანგ გადელია, საკრებულოს წევრთან, ინგა ქარდავასთან და მერიის ზედამხედველობის სამსახურის



უფროსთან, ედიკა ბერაიასთან ერთად გაეცნო.

მიმდინარე სასწავლო წელს, მუნიციპალიტეტის ზოგადსაგანმანათლებლო დაწესებულებები, განახლებული ინფრასტრუქტურული გარემოთი შეხვდნენ.

თითქმის ყველა სკოლას ჩაუტარდა ნაწილობრივი რეაბილიტაცია;

თეკლათის საჯარო სკოლაში სრულად გამოიცვალა

ელექტროგაყვანილობის ქსელი.

აქტიურად მიმდინარეობს ნოსირის საჯარო სკოლის სრული რეაბილიტაციის პროცესი.

უახლოეს პერიოდში იგეგმება მესამე საჯარო სკოლის მშენებლობა; ქალაქის პირველი და ძველი სენაკის საჯარო სკოლების სრული რეაბილიტაცია.

ბემო ჭალადიდში მიმდინარე სამუშაოები

სენაკის მუნიციპალიტეტის მერი, ვახტანგ გადელია, საკრებულოს წევრებთან - საბა ოდიშარიასთან და ლევან უჩანეთიშვილთან ერთად, სენაკის მუნიციპალიტეტის ბემო ჭალადიდის ადმინისტრაციულ ერთეულში, ბორნისკენ მისასვლელი გზის (ქვალონი-ბემო ჭალადიდი) რეაბილიტაციის მასშტაბური პროექტის მიმდინარეობას გაეცნო.

ქვალონი-ბემო ჭალადიდის დამაკავშირებელ, სამ კილომეტრამდე გზის მონაკვეთზე ასფალტო-ბეტონის საფარი დაიგება, მონესრიგდება საგზაო ინფრასტრუქტურა.

ნლების მანძილზე, გზის სავალ ნაწილ-



ზე შექმნილი დაზიანებები და მოშლილი ინფრასტრუქტურა მოსახლეობას გადაადგილებისას პრობლემას უქმნიდა.

მასშტაბური პროექტის ღირებულება 1 075 741 ლარს შეადგენს.

განახლებული გზით მოსახლეობა წლის ბოლოდან ისარგებლებს.

სისხლის დონაციის აქცია – „გაუზიარე სიცოცხლე, გაიღე სისხლი!“



სისხლის გადასხმის საქალაქო სადგურის - სისხლის ბანკის ინიციატივითა და სენაკის მუნიციპალიტეტის მერიის მხარდაჭერით, მერიის საკონფერენციო დარბაზში, სისხლის უანგარო დონაციის აქცია - „გაუზიარე სიცოცხლე, გაიღე სისხლი!“ - გაიმართა.

ადამიანების სიცოცხლის გადასარჩენად, სენაკის მუნიციპალიტეტის მერმა, ვახტანგ გადელიამ, მუნიციპალიტეტის მერიის, მერიას დაქვემდებარებული სტრუქტურების თანამშრომლებმა, სისხლი უანგაროდ გაიღეს.

დონაციის აქცია ადამიანების სიცოცხლის გახანგრძლივებას, უმეტეს შემთხვევაში კი, სიცოცხლის გადარჩენას უზრუნველყოფს.

მსგავს კამპანიაში მონაწილეობის მზადყოფნის სურვილს მუნიციპალიტეტის მერია მუდმივად გამოთქვამს.

მუნიციპალიტეტის მერიის საზოგადოებასთან ურთიერთობის და ინფორმაციული უზრუნველყოფის განყოფილება



ოქტომბერია, თვე, როცა მასწავლებლის დღესასწაული აღინიშნება. ამ დღესთან დაკავშირებით გვინდოდა უხუცესი მასწავლებელი გვყოლოდა ნომრის სტუმრად, მის ცოდნა-გამოცდილებაზე, სწავლების პრაქტიკულ და თეორიულ უნარებზე, მის დროინდელ მეთოდოლოგიაზე, პირად შეხედულებებზე და შთაბეჭდილებებზე, ა.შ. გვესაუბრა. არჩევანი ქალბატონ ეთერ ფაღავაზე შევჩერეთ, რომლის წარსული და აწმყო გაჯერებულია ცხოვრების სიბრძნით, პედაგოგის მრავალწლიანი გამოცდილებით, სითბოთი, სიყვარულით... რომელიც მისხალ-მისხალ უგრძობება 92 წლის მანძილზე, რათა სხვებისათვის გაენანილებინა, იმ სხვებს კიდევ დანარჩენთათვის, რათა სიყვარულისა და პატივისცემის ჯაჭვი თაობათა ცვლაში ასე დაუსაბამოდ გაგრძელებულიყო. დიახ, ჩვენი რესპონდენტი იმ თაობის წარმომადგენელია, როცა მასწავლებელი საგაკვეთილო მონაკვეთში უშურველად იხარჯებოდა, თვითული მოსწავლის სუსტი და ძლიერი მხარეები იცოდა, საჭიროების შემთხვევაში შესვენების დამატებით დროსაც იყენებდნენ ჩამორჩენისათვის რომ აეცილებინათ მოზარდები, უმეტეს შემთხვევაში ისინი გაკვეთილის შემდეგ იტოვებდნენ სუსტ მოსწავლეებს და იმ თემებზე ავარჯიშებდნენ ნაკლებად გასაგები რომ აღმოჩნდა მათთვის. ეს ხდებოდა ყოველგვარი გასამრჯელოს გარეშე, არა შეკვეთით, არა დირექტივით, არამედ მასწავლებლის სურვილით, რადგან მათთვის უპირველესი მოსწავლე, მისი აკადემიური მოსწრება იყო. ასეთი მასწავლებლები თაობებში ანთებულ სანთლებად რჩებიან. იმ დროში ჰქონდათ პედაგოგებს აღსაზრდელთა სამოტივაციო ათასი ხერხი. მინდა გავიხსენო ქალბატონ ეთერის ერთ-ერთი ასეთი მეთოდი. ის დაბალი კლასის წარჩინებულ მოსწავლეს ხშირად რთავდა მაღალი კლასის საგაკვეთილო თემატურ გარჩევა-ანალიზში. ყოველგვარი შეგონება-გაკიცხვის გარეშე, უთქმელად, მოსწავლეთა თავმოყვარეობის სათუთ სიმებს არ ეხებოდა ისე მიანიშნებდა მათ, რომ თუ მოინდომებდნენ დაუძლეველი არაფერია. მის გაკვეთილზე ვერ იქნებოდი უყურადღებოდ, ყველა ჩართული ჰყავდა პროცესში, წამი არ იკარგებოდა უქმად. იყო ავტორიტეტული, დახვეწილი ჩაცმულობით, მანერებით, ცხოვრების წესით-გამორჩეული.

დაიბადა 1930 წელს სენაკში. დაამთავრა სენაკის ქალთა მეორე საშუალო სკოლა, შემდეგ სოხუმის სახელმწიფო პედაგოგიური ინსტიტუტის უცხო ენათა ფაკულტეტი გერმანული ენის სპეციალობით. მოგესხენებათ მაშინ კადრების გადანიშნება ხდებოდა საჭიროების მიხედვით. ქალბატონი ეთერი ასე მივიღინებულ იქნა ლეძამეს საშუალო სკოლაში უცხო ენის მასწავლებლად. ახალგაზრდა მასწავლებელმა მაშინვე აულო ალო აღსაზრდელთან ურთიერთობას და დაიწყო რთული და საინტერესო ცხოვრება მისთვის. სიყვარულიც აქ ეწვია. დაოჯახდა ამავე სკოლის პედაგოგზე, არველოდ საჯაიაზე. არველოდ მასწავლებელი ბუნებით კეთილშობილი, წარმოსადეგი აღნაგობის, თბილი, მოსიყვარულე, ბავშვების მეგობარი და მათზე მზრუნველი იყო. სპორტული აღნაგობის, ასაკშიც ჭაბუკურად გამოიყურებოდა. დასანანი, რომ ჩვენთან აღარ არის. ნათელი მის სულს.

ეთერ მასწავლებელმა ლეძამეს საშუალო სკოლაში 27 წელი იღვანა, შემდეგ პედაგოგიურ მოღვაწეობა გააგრძელა სენაკის მეექვსე და ახალსოფლის საშუალო სკოლებში.

ახლა ქალბატონი ეთერი შვილთაშვილებს აკვლიანებს, მცირეწლოვნებს დედაენის ათვისებაში ეხმარება, უფროსებს კი უცხო ენის. შვილებსა და შვილიშვილებს ხშირად ახსენებს წარსულს, ბედნიერ დღეებს, ჩვენც ვსარგებლობთ შემთხვევით და მისი ყოფილი მოსწავლის სტატუსით რამდენიმე კითხვით მივმართეთ მას.

ქალბატონო ეთერ, თქვენი გაკვეთილები არასოდეს ჰგავდა ერთმანეთს-განსხვავებული და საინტერესო იყო, როგორ გეგმავდით მას?

ჩემი აზრით, პედაგოგის მიერ ჩატარებული გაკვეთილები არ უნდა იყოს ტრაფარეტული, ეს დამოკიდებულია მისი იმპროვიზაციის უნარზე. ყოველი გაკვეთილის წინ საფუძვლიანად ვემზადებოდი, მოსწავლეებს შორის ტექსტის მიხედვით იმართებოდა დიალოგი, ვქმნიდი თვალსაჩინოების მაგალითებს, რაც მათთვის საინტერესო იყო და ეხმარებოდა ცოდნის გაღრმავებაში.

რატომ აირჩიეთ პედაგოგის პროფესია, თქვენი მოწოდება იყო თუ მოშობლების სურვილი?

პედაგოგობა ჩემი მოწოდებაა. პროფესიის არჩევაში დიდი წვლილი მიუძღვის ბებიას და ბაბუას, რომლებიც თავის დროზე მასწავლებლები იყვნენ, რა თქმა უნდა მშობლებიც მხარს მიჭერდნენ.

მართალია ეხლა სხვა დროა და სხვა მოთხოვნები, მაგრამ მაინც თქვენი დროის და თანამედროვე მასწავლებელს შორის (პასუხისმგებლობის, ცოდნის, გამოცდილების, მოსწავლეზე ორიენტირების და ა.შ. კუთხით) რომელს მიანიჭებდით უპირატესობას და რატომ?

დღეს მართალია სხვა მოთხოვნებია, თუმცა მასწავლებლისათვის პასუხისმგებლობა, ცოდნა და გამოცდილება აუცილებელი პირობაა ყოველთვის და ყველა დროში, აქედან გამომდინარე ყველა პერიოდს სხვადასხვა გამოწვევები ახასიათებს.

ახალი თაობის პედაგოგებს ვუსურვებ წინსვლას და წარმატებებს. მათ აღზრდილებს ესახელებინოთ ისინი. ჩვენი მომავალი თაობა კი მინდა დაველოცო და ვუთხრა, რომ მთავარია ცოდნასთან ერთად ერთმანეთის გატანა და სიყვარული იცოდნენ.

თქვენ წლები იმსახურეთ ლეძამეს საშუალო სკოლაში, როგორ მოხვდით მანდ?

ლეძამეს სკოლაში განაწილებით მოვხვდი, სასიამოვნოდ მახსენდება იქ გატარებული წლები. ოჯახი იქ შევქმენი, შვილებმა იქ აიღვეს ფეხი, როცა დაიზარდნენ სკოლაშიც ერთად გვინედა წასვლა, კარგი დრო იყო, ცოდნას მოწყურებული ახალგაზრდობა მასწავლებლის ამავს სიბეჯითითა და სანიმუშო ყოფაქცევით პასუხობდა.

პედაგოგიკური პროფესიონალი კადრებით იყო დაკომპლექტებული, რომლებმაც სიყვარულით მიმიღეს და ასე მეგობრულად, ერთმანეთის ღვინისა და ჭირის გაზიარებით მრავალი წელი განვლეთ ერთად. მენტორებიან ჩემო კოლეგა მასწავლებლები, ყოფილი მოსწავლეები, ყველანი მახსოვს და მიყვარს.

თქვენ ბედნიერი დედა და ბებია ბრძანდებით. ამ გადმოსახედიდან როგორი გრძნობა გეუფლებათ, როცა თქვენს შთამომავლებს გამრავლებულს, წარმატებულს ხედავთ?

ამაზე დიდი ბედნიერება მართლაც რომ არ არსებობს, ისინი ჩემი გული და სულია. მათი ვცოცხლობ და ვხარობ. მათი ყოველი წარმატება გამოუთქმელ სიხარულს მგვრის. როცა მომმართავენ მრავალ ხმაში და ტონალობაში დ ე დ ა, ბებია ...აუწერელი განცდა მეუფლება ბედნიერების.

ქრისტეშობის 26-ში დაბადებულ ეთერ მასწავლებელს, მისი მრავალრიცხოვანი აღზრდილების სახელით ვულოცავთ პროფესიულ დღესასწაულს, ამასთან წინასწარ მოახლოებულ დაბადების დღესაც.

სამი შვილის, 6 შვილიშვილის, 13 შვილთაშვილის დიდ ბებიას ვუსურვებთ თავის მონაგართან ერთად ტკბილად და ბედნიერად ცხოვრებას, ჯანმრთელობასა და დღეგრძელობას.

ნიმო სართანია

„მადლობა მასწავლებლო“



მასწავლებლის საერთაშორისო დღე 1994 წლის ოქტომბრიდან აღინიშნება. ამ თარიღის დაწესება აჩვენებს იმ განუზომელ წვლილს, რომელსაც პედაგოგები მომავალი თაობის აღზრდისა და განათლების საქმეს ახმარენ. 2 ოქტომბერს სენაკის სახელმწიფო დრამატულ თეატრში უიული შარტავას სახელობის მეორე საჯარო სკოლის დირექციის (დირექტორი: დ. ჭანტური) და ამავე სკოლის

ნოვატორი, 45 წლიანი პედაგოგიური გამოცდილების მქონე მასწავლებლის, სენაკის საპატიო მოქალაქის გული ბარკალაიას ინიციატივით მოეწყო მასწავლებლის დღისადმი მიძღვნილი საღამო, „მადლობა მასწავლებლო“.

ქალბატონმა გულიმ დიდი შრომა გასწია ღონისძიების მოსამზადებლად. წინა წლებშიც მან მუნიციპალიტეტისა და რეგიონის მასშტაბით არაერთი პროექტი განახორციელა. წარმატებულად ჩაითვალა მისი ხელმძღვანელობით ჩატარებული თემატური ღონისძიება „ნატო და საქართველო“, რომელშიც 300 მოსწავლე მონაწილეობდა. ღონისძიებას მაღალი შეფასება მიეცა, როგორც დამსწრე საზოგადოების, ასე-



ვე საქართველოსა და ევროკავშირის (სტრასბურგის) ოფიციალური საიტების მიერ. თავად იდეის ავტორი სამეგრელო-ზემო სვანეთის გუბერნატორის განკარგულებით საპატიო დიპლომით დაჯილდოვდა.

მასწავლებელთა საერთაშორისო დღისადმი მიძღვნილი საღამო სავეს იყო მადლიერების გრძნობით, მეორე საჯარო სკოლის 8 ა კლასის მოსწავლეების, ასევე სკოლის წარმატებული მოსწავლეების ზურაბ და ნიკა წირქვაძეების, ნიკო ფაციათ, ალექსი გვასალიას, უტა სიჭინავას და სხვათა მიერ შესრულებულ მუსიკალურ და ქორეოგრაფიულ ნომრებს დიდი მონონება ხვდა წილად.

ყვავილებით, გულთბილი სიტყვებით, ლექსითა და მუსიკით აღსავსე საღამო განსაკუთრებით ამაღლებული იყო სკოლის ყოფილი პედაგოგებისათვის, რომლებმაც თავიანთი მოღვაწეობით ნათელი კვალი დატოვეს სკოლის ისტორიაში. ღონისძიებას განათლების დარგის მუშაკებთან ერთად ესწრებოდნენ მუნიციპალიტეტის მერიის, საკრებულოს, კულტურისა და ხელოვნების სფეროს წარმომადგენლები, ადგილობრივი მედიის ჟურნალისტები.

პროექტის ავტორი გული ბარკალაია თანადგომისათვის მადლობას უხდის მუნიციპალიტეტის წარმატებულ მერს ბატონ ვახტანგ გადელიას, ბიზნესმენს, სენაკელებისათვის პატივსაცემ პიროვნებას ბატონ გია ადამიას, ქორეოგრაფს, ანსამბლ „კუჩხბედიანის“ დამფუძნებელს ბატონ ზვიად გვასალიას და ყველა იმ ადამიანს, ვინც მოკრძალებული წვლილი შეიტანა საღამოს ორგანიზებაში.

ქალბატონ გულის მომავალშიც არაერთი საინტერესო პროექტი აქვს დაგეგმილი, ვულოცავთ მას და მუნიციპალიტეტის ყველა პედაგოგს პროფესიულ დღესასწაულს და წარმატებულ საქმიანობას ვუსურვებთ.

ძველმა ფილოსოფოსებმა და პედაგოგებმა მასწავლებელს „საზოგადოების“ თვალს უწოდეს, ეს სიტყვები ნათლად ასახავს იმ პასუხისმგებლობას, რომელიც აკისრია პედაგოგს საზოგადოებრივი ნორმების ჩამოყალიბებასა და განვითარებაში.

მედეა კალათიური

ჩვენი ხსნა შრომაა

„დანერგე მომავალი“ საქართველოს გარემოს დაცვისა და სოფლის მეურნეობის სამინისტროს ინიცირებული პროგრამაა. რომელსაც სოფლის განვითარების სააგენტო სახელმწიფო ბიუჯეტის თანადაფინანსებით ახორციელებს.

პროგრამის მიზანია:

სასოფლო-სამეურნეო მიწების ეფექტურად გამოყენება მრავალწლოვანი კულტურების გაშენების გზით, რის შედეგადაც ჩანაცვლდება იმპორტირებული პროდუქცია და გაიზრდება საექსპორტო პოტენციალი. გადვილდება გადაამაშუშავებელი სანარმოების ნედლეულით მომარაგება და გაუმჯობესდება სოფლად მცხოვრებთა სოციალურ-ეკონომიური მდგომარეობა ადგილობრივი, ფიტოსანიტარულად სუფთა, სარგავი მასალების, ნერგების წარმოების ზრდა, რის შედეგადაც შესაძლებელი გახდება იმპორტირებულთან შედარებით იაფი სარგავი მასალების, ინტენსიური ბაღების გაშენებით დაინტერესებული პირებისათვის შეთავაზება. ყოველივე ეს ხელს

შეუწყობს საქართველოში ახალი ბაღების გაშენებას და მეხილეობის სექტორის რაოდენობრივ და თვისობრივ გაუმჯობესებას.

ჩვენმა რესპონდენტმა ელგუჯა ნაჭყებამ „დანერგე მომავლის“ ფარგლებში, 100%-იანი დაფინანსებით-ყოლოსა და უეკლო მყვლის ბაღი გააშენა. ელგუჯა ნაჭყებამ თეკლათელია, დამთავრებული აქვს თეკლათის საშუალო სკოლა, თბილისის კუჭუხიძის ჰუმანიტარულ-ეკონომიკური ინსტიტუტის იურიდიული ფაკულტეტი. ჰყავს მეუღლე -ქრისტინე ჯაბუა და ოთხი ქალიშვილი, უმცროსი 2 წლისაა, უფროსი ექვსის. შრომისმოყვარე, მიზანდასახული ახალგაზრდა საოჯახო მეურნეობას მამასთან ჯამბულ ნაჭყებიასთან ერთად უძღვება. ჩვენ ვესაუბრეთ მას თავის საქმიანობის შესახებ: რატომ გადაწყვიტა აღნიშნულ პროექტში მონაწილეობა, რა საშუალებები ჩაატარა, როგორი მოსავალი მიიღო, როგორ ახდენს მოსავლის რეალიზაციას ... გთავაზობთ საუბრის მოკლე შინაარსს.

ჩვენ ღვთის ნყალობით ნიადაგიც კარგი გვაქვს, ნყალიც, კლიმატიც. სულ ვფიქრობდი, ისეთი რამე გამეკეთებინა, რაც ელემენტარულ შემოსავალს მოგვიტანდა და სხვისთვისაც სასარგებლო იქნებოდა. რადგანაც ყოლო საქართველოში მოთხოვნადი პროდუქტია, ამავე დროს ძალიან სასარგებლოა, გაჯერებულია ვიტამინებით, მინერალებით და ანტიოქსიდანტებით, გადავწყვიტე ყოლოს ბაღი გამეშენებინა. როცა ეს პროექტი გამოჩნდა, გავაკეთე განაცხადი, საჭირო საბუთები შევაგროვე. საბედნიეროდ დაფინანსება მივიღე და როგორც იტყვიან საქმეც „დაიდრა“.

მიწის ანალიზით დავინყე, ნაკვეთის ოთხი მხრიდან ავი-



მიღებული მოსავლის რეალიზაცია ძირითადად სენაკის აგრარულ ბაზარზე მოვახდინეთ.

მოგესხნებათ რომ ყოლო სეზონის განმავლობაში იკრიფე-

წარმეს მისცემს საშუალებას მოკრეფილი ყოლო იქნება თუ სხვა რომელიმე კენკრა, შეინახონ, სავაჭრო ქსელში არ გაიტანონ პროდუქცია და ადგილზე დაელოდონ შემსყიდველს.

ვფიქრობ, რომ ჩვენი ქვეყნის ყველაზე დიდი რესურსი მიწაა, რომელსაც დამუშავება სჭირდება. ამიტომ არ უნდა დავიზაროთ და გამოვიყენოთ სახელმწიფოს ყოველი ხელშეწყობა, მით უფრო, როცა ეს პროექტი ჩვენი-ფერმერების დაინტერესება-განვითარებაზე, საბოლოო ჯამში კი აგრარული სექტორის, ქვეყნის ეკონომიკის, მეურნეობის გაძლიერებაზეა ორიენტირებული.

შენს დარგულ ნერგს გახარებულს როცა ხედავ, გულს უხარია, თან ძალიან ლამაზია. მინდა ყველას ვუთხრა, შრომაა ჩვენი ხსნა და არ უნდა დაგვეზაროს.

მინდა ვიარგებლო შემთხვევით და მადლობა გადავუხადო სენაკის საინფორმაციო-საკონსულტაციო ცენტრის თანამშრომლებს, რომლებმაც კვალიფიციური კონსულტაცია გამინიეს.

ვუსურვებთ ბატონ ელგუჯას წარმატებებს საქმიანობაში, შრომისმოყვარეობას, დროის სწორად განაწილებას და სიტუაციის რეალურად შეფასებას. მისი შრომის შედეგი კი მუდამ ხვაიანი, დოვლათიანი ყოფილიყოს.

მანია გირბანი



ლე მიწა, რომელსაც ჩაუტარდა კვლევა და დადასტურდა, რომ ყოლოს კულტურის ამ ნაკვეთზე მოყვანა შეიძლება. პროგრამის ფარგლებში მივიღე ნერგები, სარწყავი სისტემა, საყრდენი ბოძები. ბაღი გავაშენე 3000 მეტრზე. ნერგებმა ძალიან კარგად გაიხარეს, მაგრამ შარშანდელმა გვალვამ საკმაოდ გავზარალა და ბევრი ნერგი გაგვიფუჭდა. დანაკლისი ახალი ნერგებით შევავსეთ. ნელსაც მიუხედავად იმისა, რომ სარწყავი სისტემა გამართული გვქონდა და სულ ვრწყავდით, უამინდობამ მაინც „შეგვიშალა“ ხელი, თუმცა გაცილებით კარგი მოსავალი მივიღეთ.

ბა. მალფუჭებადი კულტურაა, თუ დროულად არ მოხდა რეალიზაცია, შეიძლება 4-5 საათში გაფუჭდეს. მომავალში დაგეგმილი მაქვს ჩემი მოსავლის ტევადობის სამაცივრე მეურნეობაც გავაკეთო, რომ დაკრეფილ პროდუქტის შენახვა შევძლო. ეს რა თქმა უნდა ყოველდღიურ ხარჯებსაც შეამცირებს და საშუალებას მომცემს სხვაგანაც გავიტანო პროდუქტი სარეალიზაციოდ.

მცირე მენარმეთათვის აუცილებელია წარმოებული პროდუქციის რეალიზაციის ხელშეწყობა, რაც მთავრობის პრიორიტეტს წარმოადგენს. სამაცივრე მეურნეობის მოწყობა ყველა მე-

„ცოდნა სიმდიდრეა, მერე იმისთანა მადლიანი სიმდიდრეა, რომ რაც უნდა ბევრს დაურიგო, ბევრს გაუწილადო, შენ არა დაგაკლდება-რა, თუ არ მოგემატება.“

ცოდნა იმითაა კარგი, რომ იმან უფროს-უმცროსობა არ იცის. როგორც საუდარი, როგორც ეკლესია, როგორც თვითონ დემოკრტი, – ერთნაირად შეიკედლებს, ერთნაირად იშვილებს სოლმე გლეხსაც და თავანსაც, ეკლესს ერთნაირად მოუხდება, ეკლესს ერთნაირად დაამშვენებს სოლმე, ოღონდ კი კაცი გულმინდობილი და მოწადინებული მივიღეს ცოდნის კარამდე...”

ბაღისაკენ მივიჩქარე

ნიცა შუბითიძე



ეს ხუჭუჭთმიანი, თვალებბრდღვიალა გოგონა 3 წლის ნიცა შუბითიძეა, საბავშვო ბაღ „ფერადი სამყაროს“ აღსაზრდელი, ნათია გრიგალაშვილისა და გურიკა შუბითიძის ნებეერა ქალიშვილი.

ცელქი და მოუსვენარი, მშვიდი და დამჯერე, ამასთან თბილი და მოსიყვარულე. ძალიან მოსწონს ბაღი, სადაც თავის მეგობარ ვაკოსთან ერთად დადის. განსაკუთრებით უყვარს ბაია მასწავლებელი.

მშობლები უსურვებენ ნიცას ხალისიან ბავშვობას და ბედნიერ მომავალს.

სკოლა გვიშობს



ლუკა ლაკია

ლუკა ლაკია მხიარული და საყვარელი ბიჭია. ერთი სული ჰქონდა, როდის შევიდოდა სკოლაში. ის კერძო საერო სკოლა „მარიოტას პირველკლასელია. ძალიან მოსწონს სკოლა, ინგა მასწავლებელი, ახალი მეგობრები. ყველა საგნის სწავლას დიდი პასუხისმგებლობით ეკიდება. „ზოგჯერ ჩემი ბაღი ძალიან მენატრება,

ჩემი სათამაშოებიც, მაგრამ მე უკვე დიდი ბიჭი ვარ და სკოლა მირჩენია, მალე კარგად კითხვას ვისწავლი და ჩემს პატარა დაიკოს ზღაპრებს წავუკითხავ“-ამბობს ლუკა.

მშობლები მარიამ თოფურია და გიორგი ლაკია უსურვებენ ლუკას წარმატებულ სწავლას, ბედნიერ ბავშვობას, ღირსეულ მომავალს.



სტიქია სენაკის მუნიციპალიტეტში



თან ერთად, ადგილზე ეცნობოდა სენაკის მუნიციპალიტეტის მერი, ვახტანგ გადელია.


სტიქიის ზონაში, სახელმწიფო რწმუნებული სამეგრელო-ზემო სვანეთის მხარეში, გიორგი გუგუჩია, მოადგილეებთან - დავით კუხალიაშვილთან და ლუდუკი ხასიასთან, სენაკის მუნიციპალიტეტის მერთან, ვახტანგ გადელიასთან, საკრებულოს წევრთან, საბა ოდიშარისთან ერთად იმყოფება.

ძლიერმა წვიმებმა სენაკის მუნიციპალიტეტში პრობლემები შექმნა.

ადიდდა მდინარეები და ლეღეები, ცალკეულ ადმინისტრაციულ ერთეულებში დაიტბორა სასოფლო-სამეურნეო სავარგულები.

ადიდებულმა ტეხურმა წაიღო ლედაძამეკვაუთის შემაერთებელი ხიდი.

მთელი ღამის განმავლობაში სტიქიის ადგილზე იმყოფებოდა და შექმნილ ვითარებას, შესაბამისი სამსახურების წარმომადგენლებ-



* * *

სენაკის მუნიციპალიტეტის სოფელ ლედაძამეში, სტიქიის შედეგად დაზარალებული ხიდი აღდგენილია.

ხელისუფლების სწრაფი რეაგირების შედეგად, რეგიონული განვითარებისა და ინფრასტრუქტურის სამინისტროს საავტომობილო

გზების დეპარტამენტის ჩართულობით ოპერატიულად დაიწყო და მოკლე დროში დასრულდა დროებითი ხიდის კონსტრუქციის აწყობა. სტიქიის შედეგად გარესამყაროს სოფელ ლედაძამეს კვაუთის უბანში მცხოვრები 76 ოჯახი იყო მოწყვეტილი.

მადლობა განუული ამაგისათვის

რა ხანია სამყარო ჩემთვის შავი პირბადით შეიმოსა. სევდით და ტკივილით ამევსო სული. პირველ რიგში შვილიშვილები მიქარებენ ნაღველს, მათ მოფერება- მზრუნველობაში ვიბრუნებ სულს, მათ თვალბუბნი შვილის ანარეკლს ვპოულობ და... ჯერ კიდევ მცირეწლოვნები არიან, მეორე და მესამე კლასის მოსწავლეები, მაგრამ დიდებით აზროვნებენ. მათი მოწყენა ჩემთვის აუტანელია, ავადმყოფობა კი მითუმეტეს. ამას წინათ ორივე მოგვეწამლა, სასწრაფოდ წავიყვანეთ შ.პ.ს ბავშვთა პოლიკლინიკაში (დირექტორი ლ. დგებუაძე), სადაც კვალიფიციური დახმარება აღმოგვიჩინეს. მცირე დროში

ბავშვებმა მოიხედეს. თამაშის განწყობა დაუბრუნდა... საავადმყოფოში პატარა პაციენტებს მედ-პერსონალი თავს ევლება, ისინი ძალ-ღონეს არ იშურებენ, რომ გაუმკლავდნენ ნებისმიერ მძიმე შემთხვევას. თამამად შემიძლია ვთქვა, რომ აქ თბილი, მცოდნე და თავის საქმეზე შეყვარებული კოლექტივია. შვილიშვილების გადარჩენისთვის მადლობა მინდა ვუთხრა თითოეულ მათგანს. კერძოდ, ექიმებს: ი. ხარებავას, დ. კოკიას, ს.ლაშქრავას, ე. გიგიბერიას, ს. მაქაცარიას, მ.ბალათურიას, ნ.ჭაავას, ნ. ქირიას, ნ. გეგენავას, ნ. მიქაძეს, ვ. პაკელიას, გ.სიჭინავას. ექთნებს: ი. ყუფარაძეს, ი. გაგუას, მ. ჭაავას, ნ.ხვიჩიას, ი.

დარსალიას, ვ. ჯალალონიას, ი. ნინუას, ი.ძიგუას, ლ. ზაქარაიას. სანიტრებს: მ. ნადარაიას, მ.ჯობავას, ნ. ბარქაიას, ლ. ბულაშვილის, რენდგენლოგს, ლაბორატორიისა და ბულატერიის მუშაკებს, ტექნიკურ პერსონალს. აგრეთვე მინდა მადლიერება გამოვხატო და შორიდან მოვეფერო ჩემი შვილიშვილების ყოფილ ექიმს, ან უკვე პენსიაზე გასულს, ყურადღებთან, თავის საქმის ზედმინდებით მცოდნეს და ბავშვების მოყვარულს, ქალბატონ ნ. გრიგოლიას. თქვენი განუული ამაგისთვის უფალმა ასგზის სიკეთით გადაგიხადოთ.

ლიანა ალაშია

სსსსსს

თაფურ ფოჩხუა



რამდენი ადამიანის სიცოცხლე უხსნია, რამდენის გულს დასდებია სალბუნად, რამდენი ოჯახი ჰყოლია მადლიერი, კიდევ ვინ იცის რამდენ სიცოცხლეს გაარიდებდა სიკვდილს, საკუთარ გულს რომ არ ეღალატა.

მოულოდნელად გარდაიცვალა მრავალრიცხოვან პაციენტთა იმედი, გამორჩეული ექიმი და პიროვნება, სენაკის საპატო მოქალაქე თემურ ფოჩხუა.

ვუსამძიმრებთ ოჯახს, ახლობლებს, კოლეგებს...


დარწმუნებული ვართ ასეთ ადამიანთა გარდაცვალება სულის საუფლოში გადასვლას ნიშნავს, სადაც ფერცვლილი აგრძელებენ სიცოცხლეს და ასე რჩებიან ჩვენში, თქვენში, საზოგადოებაში...

ნათელი მის სულს.

გივი (გიგლა) ფოჩხუაძე

ორმოცი დღე გავიდა შენი გარდაცვალებიდან. უჯანმრთელესი კაცი იყავი, მაგრამ ელვის სისწრაფით მოგილო ბოლო უღმობელმა სენმა - თავი სიზმარში მგონია. გაუსაძლისი ყოფილა უშენობა, ყოველდღე გელოდები, როდის შემოაღებ კარს, მაგრამ ამაოდ.

უზომოდ განიცდიან უშენობას შენი შვილები: მაია და გია, სიძე, რძალი, შვილიშვილები, რომელთაც შენგან მოფერების გარდა არაფერი ახსოვთ. იყავი მშვიდი, წყნარი,




ულალატო, ამიტომ ყველას უყვარდი. ტკივილებმა ვერ შეგცვალეს, ებრძოდი სიკვდილს, სანამ იგი რეალობად არ გექცა.

ღმერთმა ნათელში ამყოფოს შენი უღალატო სული, აქაც კარგი კაცი იყო, იქ ნათელი დაადგესო, ნათქვამია-დაე ასე იყოს.

გზა გაგინათოს უფალმა შენს სამყოფელში.

ოჯახი

კროსვორდი: ფეხბურთი



ცარიელი უჯრები შეავსეთ ქართველი ფეხბურთელების გვარებით, ისე, რომ გამუქებულ უჯრებში მიიღოთ ჩვენი სახელოვანი ფეხბურთელის ხვიჩა კვარაცხელიას გვარი..

შეაფინა

მაია გერგანიძე

<p>სარედაქციო აქტები</p> <p>მთავარი რედაქტორი ნინო სარტანი</p> <p>რედაქტორი მელა ბალათური</p> <p>კორექტორები: მაია გერგანი, მარია მიხაბერიძე</p> <p>ეკონომიური სამსახურის სპეციალისტი ჯალიბა ჩაჩიანი</p>	<p>რედაქციის მისამართი:</p> <p>სენაკი, ჯავახიძის ქ. №103, ტელ: 276150</p> <p>რედაქცია ხელმძღვანელობს თავისუფალი პრესის პრინციპით, არ გამოხატავს პოლიტიკური და საზოგადოებრივი ორგანიზაციის ინტერესებს.</p> <p>ინტელ 66529</p>	<p>რეგისტრირებულია სენაკის სასამართლოში</p> <p>რეგისტრაციის №56/7-17</p> <p>გაზეთი ავტორიტარულია აიხუ, დაახლოვდა და ოჯახური წესით დაიბეჭდა შპს „სოლი 25“</p> <p>ქ. ქუთაისი, ილია ჯავახიძის გამზ. 33</p> <p>ტელ: 223779, 223711, 223499</p>
--	--	--